

horum æternam Spiritus Sancti Deitatem inficiantium, Samofatenianorum, asseverantium Christum ante Mariam non fuisse: Sabellianorum, Deum ita unum esse, ut etiam simul sit uua Persona quæ diverso respectu appelletur modo Pater, modo Filius; Mahometistarum, negantium Deitatem Filij & Spiritus Sancti, & Christum tantum magnum Prophetam fuisse contendentium: Trithetarum docentium tres esse non tantum distinctas in Deitate Personas, sed tres Deos, sed inæquales, nam Patrem à se esse Deum, Filium & Spritum Sanctum à Patre habere quod sint Dij, & idcirco quodammodo primarios esse Deos, ut & aliorum fanaticorum deliria hic veniunt sequestranda, & certo stemus talo in hoc fundamentalis Articulo innisi verbo ipsius Dei.

DE

PECCATO.

SECUNDI ARTICULI DE PECCATO ORIGINIS

VERBA SUNT HÆC.

DOcent, quod post lapsum Adæ omnes homines secundum naturam propagati nascantur cum Peccato, b. e. Sine metu Dei, sine fiducia erga Deum, & cum concupiscentia, quodque hic morbus, seu vitium Originis vere sit Peccatum, damnans & afferens nunc quoque æternam mortem, his qui non renascuntur per baptismum & Spiritum

F 3

tum